

**Inatsisartut 2010-mi ukiakkut ataatsimiinnerat aallarnerfigalugu Namminersorlutik Oqartussat ingerlatseqatigiiffiutaasa aammalu ingerlatseqatigiiffiit piginneqataaffigisaasa aningaasatigut ingerlanneqarneri taamatuttaaq ingerlatseqatigiiffiit ataasiakkaat ineriartortinneqarneri pillugit aammalu pissusiusut tunngavigalugit Naalakkersuisut iliuuseriniakkatik ilanngullugit Inatsisartunut ukiumoortumik nassuiaasalernissaat pillugu Inatsisartut aalajangiiffigisassaattut siunnersuut.**

(ATASSUT-ip Inatsisartuni ilaasortaaitai: Finn Karlsen, Siverth K. Heilmann, Knud Kristiansen)

### **Akissuteqaat**

(Naalakkersuisut siulittaasuat)

### **Aappassaaneerneqarnera**

Naalakkersuisut soqutiginnillutik Inuussutissarsiornermut Ataatsimiititaliap isumaliutissiissutaa atuarsimavaat aammalu Inuussutissarsiornermut Ataatsimiititaliamut qujassuteqarusullutik sukumiisumik suliarinnissimaneranut.

Inuussutissarsiornermut Ataatsimiititaliap isummersuutaanut isumaliutersuutaanullu Naalakkersuisut paasinneqataapput. Siullermik oqaatigissavara Inatsisartut arlariitsigut Namminersorlutik Oqartussat tamakkiisumik tamakkiisuunngitsumilluunniit aktianik piginneqatigiinnikkut ingerlatseqatigiiffiutai pillugit paasissutissat taakkorpiat pissarsiarinissaannik periarfissaqareermata. Taassumap saniatigut suliasap naammassiniarneranut Inuussutissarsiornermut Ataatsimiititaliaq allaffissornikkut akitsorsaataaqisumik oqariartuuteqarpoq. Eqqortumik naqissuserlugu oqaatigineqarpoq aningaasartuutit 200.000 kuruunit missilioraat aammalu tassunga ilagitillugu suliarineqarnissaa Ingerlatseqatigiiffinnut immikkoortorta qarfiup suliasarerriigaanut allanut suliakkersuutaangaatsiassalluni.

Tamaattumik amerlanerussuteqartut inassutigisaat Naalakkersuisut isumaqatigaat siunnersuutigineqartup itigartinneqarnissaa.